

Na osnovu člana 29. tačka 2. i člana 46. Zakona o lokalnoj samoupravi - Prečišćeni tekst ("Službene novine Kantona Sarajevo", broj, 22/00), člana 25. tačka 2. i člana 69. Statuta Općine Stari Grad Sarajevo - Prečišćeni tekst ("Službene novine Općinskog vijeća Stari Grad Sarajevo - Prečišćeni tekst ("Službene novine Kantona Sarajevo", broj 31/08) i člana 83. do 85. Poslovnika Općinskog vijeća Stari Grad Sarajevo - Prečišćeni tekst ("Službene novine Kantona Sarajevo", broj 31/08), Komisija za propise i Statut Općinskog vijeća Stari Grad Sarajevo, utvrdila je Prečišćeni tekst Pravilnika o dodjeli stipendija. Prečišćeni tekst obuhvata: Pravilnik o dodjeli stipendija ("Službene novine Kantona Sarajevo", broj 28/09), Odluku o dopunama Pravilnika o dodjeli stipendija ("Službene novine Kantona Sarajevo", broj 26/10), u kojima je naznačen datum stupanja na snagu tih odluka.

## PRAVILNIK O DODJELI STIPENDIJA (Prečišćeni tekst)

### Član 1.

Ovim Pravilnikom utvrđuju se kriteriji za dodjelu stipendija djeci šehidskih, odnosno porodica poginulih boraca, ratnih vojnih invalida i demobilisanih boraca.

Pravilnikom se utvrđuju osnove, načini i kriteriji stipendiranja učenika srednjih škola i studenata, koji imaju prebivalište na području općine Stari Grad, a koji ne koriste stipendiju po drugom osnovu.

### Član 2.

Pravo učešća na konkursu za stipendiranje imaju učenici srednjih škola i studenti koji su u prethodnoj školskoj godini bili redovno upisani u školu, odnosno na fakultet.

### Član 3.

Načelnik Općine, donosi odluku o sprovođenju konkursa za tekuću školsku godinu.

Isplata stipendija vršiće se po okončanju konkursa, a precizirat će se ugovorom o stipendiranju.

### Član 4.

Odluku o stipendiranju provodi načelnik Općine putem Službe za boračko invalidsku zaštitu.

## SREDSTVA

### Član 5.

Godišnjim planom stipendiranja studenata i učenika svake godine u Budžetu Općine planiraju se sredstva za stipendiranje, koja se procentualno dodjeljuju za:

- redovno školovanje studenata na visoko školskim ustanovama . . . . . 50%
- redovno školovanje učenika u srednjem obrazovanju . . . . . 50%

Stipendije za studente i učenike se dodjeljuju proporcionalno po godinama studija, odnosno po razredima. U slučaju da ima manje prijavljenih na nekoj godini, stipendije se dijele proporcionalno na više godina studija, odnosno na više razrede. Prioritet u podjeli su više godine.

## IZBOR KANDIDATA

### Član 6.

Izbor kandidata za stipendiranje vrši se na osnovu prijave na konkurs.

Konkurs sadrži:

- uslove koje kandidati moraju ispunjavati
- broj kandidata koji se stipendiraju
- rok za podnošenje prijava
- način prigovora po rezultatima konkursa i druge podatke.

Konkurs se objavljuje u dnevnim novinama i na oglasnoj ploči Općine.

### Član 7.

Načelnik Općine provodi konkurs.

Načelnik Općine formira komisiju za provođenje konkursa i komisiju za rad po prigovorima na rad komisije za provođenje konkursa.

Svaki prijavljeni kandidat po konkursu mora biti pismeno obaviješten o rezultatima konkursa, u roku od 15 dana po izvršenom izboru kandidata.

Svaki učesnik na konkursu može, u roku 8 dana od prijema obavještenja, podnijeti prigovor načelniku Općine.

### Član 8.

Po okončanju konkursa načelnik Općine dostavlja Općinskom vijeću prijedlog odluke.

Općinsko vijeće donosi konačnu Odluku o stipendiranju.

### Član 9.

Načelnik Općine sa izabranim kandidatima sklapa Ugovor o stipendiranju, koj sadrži:

- ime i prezime učenika - studenta
- ime i prezime roditelja - staratelja
- tačnu adresu stanovanja
- naziv škole - visokoškolske ustanove
- način isplate
- rokovi i drugo.

Ugovor potpisuje roditelj - staratelj učenika, odnosno student, s jedne strane i načelnik Općine, s druge strane.

### Član 10.

Stipendije se dodjeljuju za jednu školsku - nastavnu godinu i isplaćivat će se za 10 mjeseci (trajanje školske - nastavne godine), što će se precizirati ugovorom.

### Član 11.

Visina mjesečne stipendije za učenike i studente iznosi:

- u srednjim školama . . . . . **80,00 KM**
- u visokoškolskim ustanovama . . . . . **120,00 KM**

Broj studenata se utvrđuje svake godine zavisno od visine odobrenih sredstava u Budžetu Općine za tu namjenu.

### Član 12.

Stipendije se ne dodjeljuju kandidatima:

- čiji roditelji, odnosno uža porodica ima mjesečna primanja veća od 2 prosječne plaće FBiH iz prethodne godine;
- koji se već stipendiraju iz drugih izvora;
- za dva i više učenika - studenata iz iste porodice;
- **učenicima i studentima koji obnavljaju godinu, a koji su bili korisnici stipendije za prošlu godinu.**

## KRITERIJI ZA DODJELU STIPENDIJA

### Član 13.

#### 1. Bodovi po osnovu rezultata u učenju

- za učenike, prosječna ocjena u prethodnoj školskoj godini, zaokružena na jednu decimalu i pomnožena sa 15 (4,0 x 15 = 60,0 bodova)
- za učenike I razreda srednje škole prosječna ocjena u osmom razredu osnovne škole, zaokružena na jednu decimalu i pomnožena sa 10 (4,0 x 10 = 40,0 bodova)
- za učenike generacije osnovne i srednje škole . . . . . 10,0 bodova
- Ponos generacije . . . . . 5,0 bodova
- za studente na 1. godini studija prosječna ocjena u IV razredu srednje škole, zaokružena na jednu decimalu i pomnožena sa 15 (4,0 x 15 = 60,0 bodova)
- za studente viših godina studija i magistranti po bolonjskom sistemu školovanja, prosječna ocjena iz prethodne godine zaokružena na jednu decimalu i pomnožena sa 18 (8,0 x 18 = 164,0 bodova)

#### 2. Dodatni bodovi po osnovu rezultata postignutih na raznim nivoima takmičenjima

Za studente i učenike srednjih škola na takmičenjima koje organizuje resorno Ministarstvo za obrazovanje i to:

Na općinskom nivou:

I mjesto . . . . . 3 boda

II mjesto . . . . . 2 boda

III mjesto . . . . . 1 bod

Na kantonalnom nivou:

I mjesto . . . . . 6 bodova

II mjesto . . . . . 4 boda

III mjesto . . . . . 2 boda

Na federalnom nivou:

I mjesto . . . . . 12 bodova

II mjesto . . . . . 8 bodova

III mjesto . . . . . 4 boda

Na državnom nivou (BiH) . . . . . 15 bodova

Učešće na učeničkoj svjetskoj olimpijadi . . . . . 20 bodova

3. Dodatni bodovi po osnovu otežanih uslova života koji su nastali kao posljedica rata

– učenik ili student bez oba roditelja koji je poginuo kao pripadnik OS R BiH (AR BiH i MUP-a) . . . . . 12 bodova

– učenik ili student bez jednog roditelja koji je poginuo kao pripadnik OS R BiH (AR BiH i MUP-a) . . . . . 8 bodova

– učenik ili student čiji je jedan od roditelja RVI. 7 bodova

– učenik ili student čiji je jedan od roditelja nosilac najvećeg ratnog priznanja . . . . . 5 bodova

– učenik ili student čiji je jedan od roditelja kao RVI i demobilisani borac umro

– poslije rata prirodnom smrću . . . . . 5 bodova

– učenik ili student dijete demobilisanog borca . . . . . 4 boda

4. Dodatni bodovi po osnovu primanja po članu domaćinstva

– učenik - student čija porodica nema primanja . . . . . 20 bodova

– učenik - student čija porodica ima primanja do prosječne plaće u Federaciji iz prethodne godine . . . . . 12 bodova

– učenik - student čija porodica ima primanja do do prosječne plaće u Federaciji iz prethodne godine. . . . . 8 bodova

– učenik - student čija porodica ima primanja do do 1 prosječne plaće u Federaciji iz prethodne godine. . . . . 6 bodova

– učenik - student čija porodica ima primanja do 1 do 1 prosječne plaće u Federaciji iz prethodne godine. 4 boda

– učenik - student čija porodica ima primanja do 1 do 2 prosječne plaće u Federaciji iz prethodne godine. 2 boda

Prijavljeni kandidati se boduju po sva četiri navedena osnova.

#### Član 14.

Kada prijavljeni kandidati pri bodovanju imaju isti broj bodova, prednost će imati:

– učenik-student koji ima bolji prosjek ocjena, a ako su isti onda će kandidati čija su primanja po članu domaćinstva niža.

#### Član 15.

Pravo načelnika Općine je da obustavi isplate stipendija, shodno uslovima iz ovog Pravilnika, a o istom će izvjestiti Općinsko vijeće.

#### Član 16.

Roditelj - staratelj učenika i student koji je potpisnik ugovora o stipendiranju, dužan je da vrati sav iznos sredstava koji je primio za stipendiranje, ako:

– kandidat napusti redovno školovanje  
– izgubi pravo na dalje školovanje.

#### Član 17.

Ovaj Pravilnik će se primjenjivati počev od školske 2009/2010 godine.

#### Član 18.

Stupanjem na snagu ovog Pravilnika, prestaje da važi Pravilnik o dodjeli stipendija objavljen u ("Službenim novinama Kantona Sarajevo", broj 16/05).

#### Član 19.

Ovaj Pravilnik - Prečišćeni tekst će biti objavljen u "Službenim novinama Kantona Sarajevo".

Broj 02-49-110/11  
Februara 2011. godine  
Sarajevo

Predsjednik  
Komisije za propise i Statut  
Hamza Duvnjak, s. r.

## OPĆINA TRNOVO

### Općinsko vijeće

Na osnovu člana 24. Statuta Općine Trnovo ("Službene novine Kantona Sarajevo", broj 12/08), i člana 3. stav 2. Odluke o rasporedu sredstava iz Budžeta Općine Trnovo za 2011. godinu broj 01-02-228/11 od 28.01.2011. godine, Općinsko vijeće Trnovo, na 24. sjednici održanoj 3. marta 2011. godine, donijelo je

### ODLUKU

#### O RASPOREDU SREDSTAVA IZ BUDŽETA OPĆINE TRNOVO ZA 2011. GODINU

##### Član 1.

Ovom Odlukom raspoređuju se sredstva iz Budžeta Općina-Trnovo za 2011. godinu, ekonomski kod 614313 i 614324, za finansiranje programskih aktivnosti na obilježavanju značajnih događaja i datuma na području općine Trnovo propisanim Odlukom o utvrđivanju "Kalendara za obilježavanje značajnih događaja i datuma iz perioda odbrambeno-oslobodilačkog rata 1992-1995 godine na području općine Trnovo" ("Službene novine Kantona Sarajevo", broj 9/10).

##### Član 2.

Sredstva u iznosu od 33.400,00 KM raspoređuju se na sljedeći način:

1. Obilježavanje Prvog organizovanog otpora podjeli BiH - Barikade:

a) Udruženje jedinstvena organizacija boraca "Unija veterana" Općine Trnovo . . . . . 950 KM

b) Mjesna zajednica Trnovo . . . . . 950 KM

2. Obilježavanje Dana Općine i Dana formiranja 1. Bošnjačke brigade:

a) Općina Trnovo . . . . . 6.300 KM

b) Udruženje jedinstvena organizacija boraca "Unija veterana" Općine Trnovo . . . . . 1.320 KM

c) Udruženje Organizacija porodica šehida i poginulih boraca Općine Trnovo . . . . . 2.605 KM

d) Udruženje ratnih vojnih invalida Općine Trnovo . . . . . 2.150 KM

3. Obilježavanje Dana otpora u Mjesnoj zajednici Delijaš:

a) Udruženje jedinstvena organizacija boraca "Unija veterana" Općine Trnovo . . . . . 950 KM

b) Mjesna zajednica Delijaš . . . . . 950 KM

4. Obilježavanje Dana formiranja Odreda Šabići: